

BOSNA I HERCEGOVINA
Federacija Bosne i Hercegovine
Bosansko-podrinjski kanton
GRAD GORAŽDE
GRADONAČELNIK

Broj:01-23-SI/19
Goražde, 12.09.2019. godine

7

GRADSKO VIJEĆE
GRADA GORAŽDA

✓


PREDMET: Dostava prijedloga Odluka radi uvrštavanja na dnevni red sjednice
Gradskog vijeća.-

U prilogu Vam dostavljamo prijedlog Odluke o načinu i uslovima obavljanja
komunalnih djelatnosti na području grada Goražda, radi uvrštavanja na dnevni red
sjednice Gradskog vijeća.

S poštovanjem!

OBRADIVAC

Enver Adžem, dipl. pravnik



PREDLAGAČ
GRADONAČELNIK

Dr. sc. Muhamed Ramović

Muhamed Ramović

Na osnovu člana 10. i 15. Zakona o komunalnim djelatnostima („Službene novine BPK-a Goražde broj:9/2013), te člana člana 17. i 88. Statuta Grada Goražda (“Službene novine Grada Goražda” broj 5/18), Gradsko vijeće grada Goražda na sjednici održanoj dana _____, 2019. godine, d o n o s i:

O D L U K U

o načinu i uslovima obavljanja komunalnih djelatnosti na području grada Goražda

Član 1.

Ovom Odlukom utvrđuju se način i uslovi obavljanja komunalnih djelatnosti na području grada Goražda.

Član 2.

Komunalne djelatnosti propisane članom 5. Zakona o komunalnim djelatnostima, obavljace se putem javnih službi koje organizuje jedinica lokalne zajednice ili putem pravnih subjekata posebno organizovanih za obavljanje komunalnih djelatnosti kojima općina povjerava vršenje iste i koje općina kontrolište putem ispunjavanja ugovora o povjeravanju komunalnih poslova ili od strane nadležnih inspekcija.

Član 3.

Grad Goražde će nastojati da se finansiranja komunalnih djelatnosti iz člana 2. ove Odluke obezbjedi iz naknada koje plaćaju korisnici komunalnih usluga, kao i iz budžeta grada Goražde i drugih nivoa vlasti, te donacija za komunalne djelatnosti zajedničke komunalne potrošnje uz maksimalno poštivanje tržišne utakmice

Član 4.

U cilju obezbjeđenja jedinstvenog tehničko-tehnološkog sistema i procesa slijedeće djelatnosti se povjeravaju na obavljanje Javnom komunalnom preduzeće „6 Mart“ društvo ograničene odgovornosti Goražde, i to:

- snadbjevanje pitkom vodom,
- odvođenje i prečišćavanje otpadnih voda,
- održavanje gradskog groblja,
- odvođenje atmosferskih i drugih voda sa javnih površina ako je sistem kanalizacije izgrađen kombinovano i za odvodnju fekalnih voda,
- prikupljanje, odvoz i odlaganje komunalnog otpada.

Član 5.

Snadbjevanje toplotnom energijom i prirodnim gasom povjeriće se jednom subjektu koji bude osnovan po toplifikaciji i gasifikaciji urbanog područja.

Član 6.

Komunalne djelatnosti koje će se povjeriti pravnom licu registrovanom za obavljanje komunalne djelatnosti su djelatnosti pretežno iz zajedničke komunalne potrošnje i to:

- održavanje sistema za odvođenje atmosferskih i drugih voda sa javnih površina ako su iste izgrađene isključivo za ovu namjenu,

- održavanje čistoće na javnim površinama i gradskim ulicama,
- održavanje javnih površina,
- održavanje napuštenih i zatvorenih grobalja,
- održavanje spomen obilježja,
- održavanje javne rasvjete,
- obavljanje kafilerijskih usluga,
- obavljanje usluga dekoracije,
- održavanje objekata i uređaja javne urbane opreme (klupa, javnih satova, česmi i fontana, javnih nužnika itd.)

Poslovi iz predhodnog stava mogu se povjeriti u skladu sa Zakonom o javnim nabavkama najviše na period od 4 godine.

Član 7.

Komunalne djelatnosti koje će se povjeriti putem koncesija su:

- obavljanje pogrebnih poslova,
- obavljanje dimnjačarskih poslova,
- obavljanje javnog prevoza putnika.

Ukoliko se Grad Goražde odluči za obavljanje linijskog javnog prevoza u gradskom i prigradskom naselju može se osnovati posebno preduzeće kojem će povjeriti obavljanje ovih poslova.

Član 8.

Komunalno preduzeće iz člana 4. ove Odluke da bi obavljalo povjerene poslove pored registracije mora ispunjavati slijedeće uslove:

- da ima zaposlenog najmanje jednog inženjera građevinske struke najmanje VI stepena stručne spreme,
- da ima zaposlenog najmanje jednog diplomiranog inženjera ili inženjera visokog obrazovanja po bolonjskom sistemu studiranju sa 300 ECTS bodova, mašinske struke
- da ima zaposlenog najmanje jednog šumarskog inženjera ili beauclera po bolonjskom sistemu studiranja sa 180 ECTS bodova- smjer hortikultura
- da ima zaposleno najmanje dva predradnika sa završenom VKV stručnom spremom ili KV stručnom spremom sa najmanje tri godine radnog iskustva,
- da ima zaposleno najmanje pet radnika KV struke - vodoinstalatera,
- da posjeduje registrovano najmanje dva motorna vozila- smetljare,
- da posjeduje rovokopač,
- da posjeduje buldožder,
- da posjeduje cisternu specijalizovanu za čišćenje kanizacionog sistema,
- da posjeduje najmanje dva kamiona kiperu minimalne nosivosti 5 tona.

Član 9.

Obavljanje komunalne djelatnosti iz člana 6. ove Odluke može se povjeriti licu koje pored registracije mora ispunjavati i slijedeće uslove:

- da ima zaposlenog jednog predradnika sa SSS građevinske struke,
- da ima zaposleno najmanje pet NK radnika,
- da posjeduje rovokopač,
- da posjeduje buldožder,
- da posjeduje opremu za pranje ulica,

- da posjeduje kamion kiper nosivosti minimalno 5 tona,
- da posjeduje dizalicu za pristup tijelima javne rasvjete.

Član 10.

Uslovi za obavljanje djelatnosti koji se povjeravaju putem koncesije u pogledu stručne spreme i opreme biće određeni posebnom odlukom o povjeravanju ovih poslova putem koncesija.

Član 11.

Sva lica kojima budu povjereni poslovi obavljanja komunalnih djelatnosti u skladu sa naprijed navedenim odredbama dužni su:

- da obezbijede vršenje komunalnih djelatnosti u skladu sa odredbama Zakona o komunalnim djelatnostima i drugih propisa,
- da cijene komunalnih usluga obrazuju prema važećim propisima,
- da utvrde normativne rada i utroška materijalnih sredstava i omogućće kontrolu istih od strane nadležnih organa ,
- da uspostave tarifni sistem koji će biti osnova za naplatu usluga,
- da kontinuirano rade na podizanju nivoa komunalnih usluga i unapređenju komunalnih djelatnosti.

Ugovorom o povjeravanju poslova mogu se odrediti i bliži uslovi od onih propisanih u predhodnom stavu ovog člana.

Ugovor iz predhodnog stava obavezno sadrži:

- a) djelatnost za koju se sklapa ugovor,
- b) vrijeme na koje se sklapa ugovor,
- c) vrstu i obim poslova,
- d) način određivanja cijene za obavljanje poslova te način i rok plaćanja,
- e) garanciju davaoca usluga za ispunjenje ugovora,
- f) uslovi otkaza ugovora,
- g) i druga prava i obaveze zavisno od konkretnog ugovora.

Član 12.

Obavljanje komunalnih djelatnosti putem ugovora povjeravaće se u skladu sa Zakonom o javnim nabavkama i to u otvorenom postupku a na osnovu kriterija najniža cijena tehnički zadovoljavajuće ponude. Nakon provedenom postupka tenderske procedure odabira najpovoljnijeg ponuđača Općinsko vijeće će donijeti odluku o dodjeli ugovora na osnovu kojeg će Načelnik Općine zaključiti ugovor.

NADZOR NAD PROVOĐENJEM OVE ODLUKE

Član 13.

Nadzor nad provođenjem ove Odluke vršiće gradska komunalna inspekcija. Gradski komunalni inspektor će zabraniti rad pravnom licu obavljanje djelatnosti iz člana 4. i 6. koje i pored ostavljanog roka za otklanjanje nedostataka iz člana 8. i 9. ne ispuni uslove iz istih.

Inspektor može ostaviti najduži rok od 120 dana za otklanjanje nedostataka iz člana 8. i 9. ove Odluke.

KAZNENE ODREDBE

Član 14.

Novčanom kaznom od 3.000,00 - 10.000,00 KM, kazni će se pravno lice kome su povjereni poslovi obavljanja komunalnih djelatnosti po ovoj odluci, ako obavlja poslove iz člana 4. , 6. i 7. ove Odluke a ne ispunjava uslove iz člana 8. i 9. ove Odluke. Novčanom kaznom od 200 - 2.000,00 KM kazniće se i odgovorno lice u pravnom licu iz stava ovog člana.

PRELAZNE I ZAVRŠNE ODREDBE

Član 15.

Komunalno preduzeće iz člana 4 ove Odluke dužno je da u pogledu tehničke i stručne osposobljenosti za obavljanje povjerenih poslova obezbjedi u roku od 6 mjeseci od dana stupanja na snagu ove Odluke.

Član 16.

Stupanjem na snagu ove odluke prestaje da važi Odluka o načinu i uslovima obavljanja komunalnih djelatnosti na području općine Goražda (Službene novine općine Goražde br. 10/13).

Član 17.

Odluka stupa na snagu osmog dana od dana objavljivanja u "Službenim novinama Grada Goražda".

Broj: _____
Goražde, _____

PREDSJEDAVAJUĆI VIJEĆA

Jelena Mirković

O b r a z l o ž e n j e

Pravni osnov za donošenje ove Odluke propisan je odredbom člana 10., 13. i 15. Zakona o komunalnim djelatnostima. Naime, općinsko vijeće je postojećju Odluku o načinu i uslovima obavljanja komunalnih djelatnosti na području općine Goražde donijelo 2013. godine, koja je obavljena u Službenim novinama općine Goražde br. 10/13.


U dosadašnjoj primjeni postojeće odluke došli smo do iskustva da bi istu trebalo promijeniti zbog statusnih promjena općine Goražde, tako i zbog potrebe preciznih regulisanja uslova za obavljanje komunalne djelatnosti. Naime, ukazala se potreba da se dopune uslovi koji moraju ispuniti pravna lica kojima su povjereni poslovi obavljanja komunalnih djelatnosti, naročito u pogledu kadrovskog jačanja. Tako se ovom odluku u odnosu na raniju predviđa u članu 8. zapošljavanje stručnih kadrova koji će doprinjeti unapređenju stručnog obavljanja komunalnih djelatnosti. Tako se predviđa zapošljavanje inženjera mašinske struke koji bi svojim radom doprnio na kvalitetnijem upravljanja

vodovodne i kanalizacione mreže, naročito ako uzmemo činjenicu da postoji fabrika u Vitkovićima za proizvodnju pitke vode koja je mašinsko postrojenje za proizvodnju i dostavu vode u vodovodni sistem grada Goražda. Takođe, evidentno je postojanje i drugih potisnih pumpi koje guraju vode u višije gradske zone što iziskuje potrebu stalnog nadzora i održavanja istih radi ispravnog funkcionisanja. Evidentna je činjenica čestih kvarova na vodovodnom sistemu koji iziskuju stručnije i kvalitetnije upravljanje ovim sistemima. Predviđa se i zaposlenje inženjera hortikulture, jer činjenica je da postojeće komunalno preduzeće ne održava dovoljno zelene površine i parkove ili se ovi poslovi vrše nestručno, bez prisustva i nadzora stručnjaka iz ove oblasti.

Urbano područje grada Goražda zahtjeva da se podizanje i održavanje zelenih parkovskih površina vrši na urbaniji i kvalitetniji način, što će doprinjeti i sveobuhvatnom uređenju urbanog dijela grada.

Takođe se predviđaju kaznene odredbe za pravna i odgovorna lica koja ne obezbjeđuju uslove iz člana 8. i 9. ove Odluke u pogledu obavljanja povjerene komunalne djelatnosti.

Smatramo, da će donošenjem ove odluke kojom se sadržajnije i obimnije reguliše ova oblast doprinjeti unapređenju komunalne djelatnosti. Isto tako, mora se uzeti u obzir da je komunalna djelatnost od posebnog društvenog interesa i da su komunalnom preduzeću povjerena značajna državna sredstva kojim se moraju domaćinski starati i upravljati.


RUKOVODILAC SLUŽBE
Enver Adžem, dipl. pravnik

